

- 1^r Wer will der worheytt by gestan
- 2^r Der muß gar vil durechter han
- 3^r Die jnn abkeren vnderstan



Hyndernys des guten

- 1 Der ist eyn narr dÛrch all syn blÛt
- 2 Wer hyndern will eyns andern gÛt
- 3 Vnd er zÛ wÛren vnderstat
- 4 Do von er doch entpfocht keyn schad

5 Vnd sicht gern / das eyn ander sy
 6 Im glich / vnd stäck jm narren bry
 7 Dann narren all zyt hassen dünt
 8 Die / so mit gütem ding vmb gont
 9 Eyn dor / den andern nit gern sicht
 10 Dem rechten doren doch geschicht
 11 Das er jnn freüden sich nit spar
 12 Das er alleyn nit sy eyn narr
 13 Dar vmb er allzyt flisset sich
 14 Wie yeder man syg synen glich
 15 Vnd ratt das er nit sy alleyn
 16 Der narr / der trag den kolben heyn
 17 Wann man sicht eyne der do will
 18 Recht dün / vnd syn jnn wißheyt still
 19 So spricht man / schow der duckelmuser
 20 Er will alleyn syn eyn Carthuser
 21 Vnd tribt eyn apostützer stodt
 22 Er will verzweifflen gantz an gott
 23 Wir went eben als wol erwerben
 24 Das gott vnß loßt jnn gnaden sterben
 25 Als er / wann er schon tag / vnd nacht
 26 Lyt vff den knüwen / bät / vnd wacht /
 27 Er will vasten / vnd zällen buwen
 28 Er gdar gott noch der welt truwen
 29 Gott hat vnß nit dar vmb geschaffen
 30 Das wir münch werden oder pfaffen
 31 Vnd vor vß das wir vnß entschlagen
 32 Der welt / wir went keyn kutten tragen
 33 Noch kapp / sie hab dann schellen ouch
 34 Schow vmb den narren / vnd den gouch

19 der GW5046 GW5047] den GW5041 28 gott GW5046 GW5047] wede got GW5041

35 Er möcht noch jnn der welt han gthon
 36 Vil gütts / vnd hett noch grössern lon
 37 Entpfangen / hett er vil gelert
 38 Vnd vff den weg der sellikeyt kert
 39 Dann das er do lyt wie eyn schwyn
 40 Vnd mösßt sich jn der zellen syn
 41 Oder bricht jm sunst so vil ab
 42 Das er keyn freüd noch kurtzwil hab /
 43 Solt / wie er dü^ot / düⁿ yederman
 44 Jn der Carthuß die kutten an
 45 Wer woltt die welt dann fürbas meren
 46 Wer wolt die lüt / wysen vnd leren /
 47 Es ist gotts will / noch meynung nit
 48 Das man der welt sich so abschütt
 49 Vnd vff sich selv alleyn hab acht /
 50 Sollch red düⁿt narren tag vnd nacht /
 51 Die jnn der welt hant als jr teyl
 52 Des sü^ochen sie nit selen heyl /
 53 Hör zü / wårstu joch wiß vnd klüg
 54 Es weren dennaht narren genüg
 55 Wann du schon hettest münchesch gbård
 56 Es weren narren me vff erd /
 57 Wer yederman gsyn din glich
 58 Es wer keyn mensch jm hymelrich /
 59 Wann du joch wårst eyn witzig gsel
 60 Es füren dannacht vil zür hell
 61 Wann ich zwo selen hett jnn mir
 62 Setzt ich licht eyne den gsellen für
 63 Aber so ich hab eyn alleyn
 64 So muß ich sorg han vmb die eyn
 65 Gott hat mit Belyal nüt gemeyn

62 eyne *GW5041 GW5046*] eyn *GW5047*